



BIBLIOTEKA
UNIW. JAGIELL.
KRAKÓW

kat. hom.
6043


Augustianie

F¹

Biblioteka Jagiellońska



stdr0012877



Aug. 6043

TRACTATUS
THEOLOGICVS

DE EXISTENTIA
DEMONSTRABILITATE ac QUIDDITATE DEI
COMPOSITVS.

Iuxta D. THOMÆ AQUINATIS
Quinti Ecclesiæ Doctoris
Angelicam Sententiam

DETERMINATVS.

ILLVSTRISSIMO, EXCELLENTISSIMO,
AMPLISSIMOq; SENATORI,

D. D. CASIMIRO

IN ZAMOSCIE

ZAMOYSKI

PALATINO BELZENSIS,

Copiarum Exoticarum

GENERALISSIMO,

Domino & Benefactori Specialissimo.

A

F. CASIMIRO DYLAGOWICZ S. Th. STUDENTE,

DATVS, DONATVS, DEDICATVS,

A C

Publicâ Mediante Disputatione
THEOLOGICO HASTILVDIO

Sub Directione

A. R. P. F. DOMINICI FRYDRYCHOWICZ,
*Sacræ Theologiæ Doctoris, Generalis Studij Prouinciæ Poloniæ
Conuentûs Cracouiensis Regentis Ord: Præd:*

EXPOSITVS ac PROPVGNATVS,

Anno Domini, M. DC. XCII. Die April.

SVPERIORVM PERMISSV.



Aug. 6013

ILLVSTRISIME EXCELLENTISIME
& AMPLISSIME SENATOR,
Domine ac Mecænas Colendissime.

H NCLYTÆ ZAMOYSCIORVM HASTÆ,
Heroicas omnium in se complectendo Virtutum prerogati-
uas, Amplitudine suâ tam Lipsianâ eloquentiâ suauitatem,
quàm Liuianâ pennâ gravitatem longè latèq; transcendunt.
AMPLISSIME SENATOR. Inter supremos extre-
mosq; pro Ecclesia pro Patria exantlatos labores hæ infati-
gata Hasta, non tantum ora sed etiam exempla imitantium fatigare nōrunt.
Hæ Serenissimorum Regum Fortitudo, quæ SIGISMUNDO Ius Sueciæ
hereditarium vindicârunt: BATHOREO Thronum & Triumphos ad-
iudicârunt: CASIMIRO contra Gothicos Leones expugnandos cor men-
temque animârunt: MICHAELI Primo, & IOANNI Tertio Orbis
Ottomanici Expugnatori, in omni expeditione bellica Martetenus adhaserunt:
ac per omnem Coronatâ Candidâ Aquilâ atatem, semper candidâ mē-
te, proprio de murice litârunt purpuras DEO, Ecclesiæ, Patriæ. Hæ Su-
premi Tribunalis Arcopagum in Poloniam introduxerunt: hæ præclaram è
Gallis de ductam Sorbonam Marti Sarmatico adiunxerunt: hæ Optimi Gu-
bernii Militaris, Politici, ac Domestici normam exactissimam, ideamque
perfectissimam, ad conseruandam Ciuium salutem exemplariter præscripse-
runt. Sed parum fuit Hastis Zamoyscis tantorum meritorum gloriâ, Orbem
adæquasse Lechicum, ni immenso Virtutum tractu, Bellorum ingenti famâ,
Pietatisque profusâ maiestate eorum adimplessent Orbem. Hastis Zamoy-
scis in Lauros cessere immarcescibiles, Liuonia, Riga, Volmaria expugnata:
Woynicensis, Rudnicensis, Varsauiensis, Sluchouiensis, Mohylouiensis, Cu-
dnouiensis periculosissimi conflictus, in Salutis Publicæ adoleuere Coronas
Hastis rextas Zamoyscianis: Austria Viennensium, Chocimensium, Camene-
censium, Budziakouiensiumque præliorum Exercitus, non sine Zamoyscianis
Hastis, Vniuersalem Christianitatis hostem superauerunt. Paleseunt gem-
mata Græcorum hasta dum Zamoyscianas hostico rubentes sanguine adorant
Hastas. Carthago hasta bellum indicere solita cedit Sarissarum triumphali
Nomini felicissimarum, quæ pro Romanorum Sede Sancta, Fide Catholi-
ca, Paceque Vniuersali, Moldauiam, Valachiam, Vngariamque contra By-
zantinos Dracones defenderunt. Et Centumuiralis nunquam Splendidio-
res Capitolio consecrauit triumphos Hasta, quales Inuicti FLORIANI,
THOMÆ, CLEMENTES, STANISLAI, NICOLAI,
MARTINIque Omnes Magni, Omnes Purpurati Patriæ Patres, Omnes

pro Aris & Focis fortiores Scipione, audaciores Leonida, Achille superiores, Sanguineo Stylo in Martis arena erexerunt. Has Sancta Gnezniensis Ecclesia venerata est Hastas in Celsissimo Principe Primateque Regni ZDISLAWO Archiepiscopo, qui hisce suffulsi Domum Dei, ac Mitram Capitis exornavit Sanctitatis auro. Easdem Vratislaniensis Cathedra ad suum gloriose assumpsit augmentandum honorem in THOMA Episcopo, qui scientia & Prudentia enitens, deuotiori exemplo, ac spiritualio hastiludio Gregem sibi commissum recreare procurauerat. Tantorum Antecessorum Sacra premerens vestigia Illustrissimus & Reuerendissimus IOANNES, Sanctitatis Amictum dum induisset Prædicatorum, stetitque circa illum Corona Fratrum Dominicanorum, mox Bacouensem, post Pramysliensem, dein Luceoriensem ad trinum correspondentiam Hastarum coactus est irrigare, sustentare, defendere Episcopatum, HASTA SALVTIS. Stupere hic admirari que ad Fulgurantium Hastarum splendores necessum est, cum innata Zamoyscianæ Hastæ Virtus, omnem Oratorum ac Historicorum pro condigno supercedat facultatem.

Tua sunt hæc AMPLISSIME SENATOR DECORA, TVÆ SVNT INVICTÆ, INGLYTÆ, TRIUMPHALES HASTÆ ZAMOYSCIANÆ Tuis Senatoris, Mauortisque Meritis illustrata, quas dum contra hostes vibras, Corpus proprium Hosti ac vulnere obycere Sarmaticus Epaminundas & hastam non amittere, illasque seruare, ipse in Budziacouiensi pralio casus, forti exemplo docuisti. Mirus non Tibi casus ille praliandi, vulneraque pro Ecclesia ac Patria reportandi, quia Tuis innatum hastis AVT CVM HIS AVT IN HIS gloriosam assequitur immortalitatem. Ergo hisce Tuis Gloriosis Hastis semper victor, fortius quam Patriam imo fortissime, Diuinam Existentiam, Demonstrabilitatem, ac Quidditatem propugna, impugnantes expugna, sicque TRINO IN PERSONIS Tres Tuas DEO Sacras consecrando, etiam Virentibus ternis Excellentissima Propaginis exultans Hastis, Illustrissimis THOMA IOSEPHO Rostociensi, MICHAELE Bolimouiensi, MARTINO Ploskiouiensi Capitanis, Fratribus, Filiisque Magna spei de Tuo Excellentissimo Fratre, MARTINO, Theaurario Regni Supremo, ac Palatino Lublincensi in Subsidium Patriæ progenitis, gloriosissime coram Deo, Cælo, Orbeque Vniuerso triumphabis in perpetuum. Ita apprecatur, ita exorat, ita subscribit.

ILLVSTRISSIMÆ SENATORIÆ
AMPLITVDINIS TVÆ,

Citens & Exorator

FR. CASIMIRVS.

A L T A

DIVINÆ EXISTENTIÆ, DEMONSTRABILITATIS, ac QUIDDITATIS COGNOSCIBILITAS.

DEUM ESSE. est per se notum secundum se; 2. non tamen quoad nos Viatores: 3. clarè tamen quoad Comprehensores, hæc Propositio: *Deus est*; est per se nota: 4. Etiam puer perueniens ad usum rationis in primo instanti, nequit ignorare inuincibiliter Dei veri Existentiã: 5. Nec in decursu vitæ de prædicta Propositione potest dari in aliquo ignorantia inuincibilis. *Ratio primi.* Quia istius Propositionis *Deus est*: Prædicatum est idem omnino cum subiecto sumpto *secundum se*: Et hoc modo ipsamet Essentia Diuina intransitiuè ad aliam Uirtualitatem est Esse à se; nec in Deo distinguitur *Ens nominaliter* ab Ente *participialiter*; ista enim tantum locum habent in his quæ habent Esse ab aliò. *Ratio 2di.* Quia nos viatores pro hoc statu, cum non cognoscamus quidditatiuè Deum, ignoramus quidditatiuam notitiam huius Propositionis: *Deus est*: & eius notitiam per discursum ex creaturis acquirimus; iam autem Propositio cuius notitiam habemus ex aliquo magis noto, procedendo ad minus notum, non est Propositio per se nota quoad nos. *Ratio 3ti.* Quia Existentiã Diuina est de Essentia Diuina prout est in se; & hoc modo à Beatis attingitur; iam autem Illud est per se notum alicui, cuius prædicatum clauditur in ratione subiecti vt cogniti ab ipso. *Ratio 4ti.* Quia Deus iuxta illud D. Ioan cap. 1. *Illuminat omnem hominem Venientem in hunc mundum.* Quæ Illuminatio principaliter debet esse de Existentiã supremi Legislatoris, ad quem tenetur se conuertere iuxta illud: *Conuertimini ad me in toto corde vestro*; Et hoc conuersionis Præceptum obligat omnem venientem ad usum rationis: nemo enim legi se subdere valet, nisi prius Legislatoris cognoscat Existentiã in particulari; Ipsa autem Conuersio debet esse talis, ad quam sequatur collatio gratiæ habitualis remittens ei peccatum Originale. Hinc Deus obligans puerum ad talem conuersionem, tenetur ei dare sufficientiam *ad posse adimplere* tale præceptum: sufficientia autem hæc incipit à cognitione Legislatoris, consequenter Deus tenetur illuminare puerum, dando ei fidem de Legislatore. *Ratio 5ti.* Quia iuxta communem Theologorum doctrinam, Præcepta legis naturæ, non possunt inuincibiliter ignorari. Ergo neque Deus; cum ille sit Author & Finis talium præceptorum. *Tum quia* Ignorantia inuincibilis excusat à peccato: iam autem ad Rom. 1. ignorantes Deum dicuntur inexcusabiles.

II. DEMONSTRABILITAS Existentiæ Dei de fide tenenda est, posse nimirum demonstrari solis viribus naturæ de Deo quòd existat: 2. non tamen à priori pro hoc statu: 3. Valideque à Doctore Angelico Atheismus: 4. ac Polytheismus gemit expugnatus, humiliatus, annihilatus. *Ratio primi.* Quia iuxta D. Paulum ad Rom. 1. *Quod notum est Dei* (id est quod ratione naturali potest agnosci) *manifestum est in illis*: (id est in Gentilibus Philosophis omniprorius lumine fidei destitutis) *Deus enim illis manifestauit* (naturale infundendo lumen s. intellectum) *inuisibilia enim ipsius* (s. Essentia, Virtus operatiua & Diuinitas, Vltimus omnium finis) *per ea quæ facta sunt* (tanquam per medium ducens in cognitionem Dei) *intellecta conspiciuntur.* Ergo quia iuxta allegatam D. Pauli auctoritatem ac Doctore Angelici explicationem) Existentiã Dei demonstratur per ea quæ naturalia sunt s. per lumen actiuè demonstrans, quod est Intellectus, & per medium naturale s. per Creaturas sensibiles; ideo ex solis Viribus naturæ *Deum esse* posse demonstrari secundum fidem est asserendum. *Ratio 2di.* Quia vt à Priori solis viribus naturæ demonstraretur Existentiã Dei, Medium talis Demonstrationis debet esse *Quod quid ipsius*

ipfius Dei. Et tale Medium est nobis pro hoc ftatu incognitum, quia Theolo-
 gi Uiatores Quidditatem Dei opinantur confiftere, alij in *Intelligere radicali*:
 alij in *Actuali*: alij in *Afcitate*: alij in *Immaterialitate summa*: alij in *collectione*
Diuinorum Attributorum. Quarum opinionum pluralitas, manifefte decla-
 rat, quod fwas Conclufiones non poffint refoluere in principia certa & eui-
 dentia; iam autem Demonftratio à priori, quæ folis viribus naturæ haberi
 poffet de Deo, deberet effe certa & euidens. *Rationes 3tj*. Contra Atheiftas
 feu negantes Exiftentiam Dei funt quinque. *Prima* Datur Vnus primus Motor
 omnia mouens, ipfe tamen efl omnino immobilis. *2da*, Datur primum Effici-
 ens: quia Omne quod fit & caufatur, ab alio fit & caufatur. *3tia*. Datur ali-
 quod Ens neceffarium, à quo omnia contingentia Effe participant, & in illud
 reducuntur. *4ta*. Datur aliquod Ens fumme perfectum: & tale Ens efl Deus.
5ta. Datur fupremus Gubernator & Prouifor qui fingulas creaturas, etiam
 cognitione carentes in fuos fines ordinat & dirigit. *Rationes 4ti* contra Po-
 litheiftas feu pluralitatem Deorum admittentes. *Prima* Deus efl eflentialiter
 fingularis: vt pote Ens per Eflentiam; iam autem Eflentialiter fingulare efl
 immultiplicabile. *2da*. Deus efl fumme magnus; iam autem fumme magnum
 par & æquale habere nequit. *3tia* Deus efl fimpliciter infinitus in omni ge-
 nere; iam autem Infinitum fimpliciter tale, cum contineat omnes perfectio-
 nes omnium generum, non potefl effe nifi vnum. *4ta*. Deus efl fumme Bo-
 nus quo nihil melius excogitari potefl; iam autem Melior efl illa natura in,
 qua plenitudo eflendi, ita eminenter ac vnité continetur, vt extra illam nihil
 fit, nifi ab illa deriuatum, quàm illa extra quam reperitur aliquid omnino in-
 dependens & imparticipatum. *5ta*. Deus efl prima caufa omniũ, ideoq; vnus:
partim quia in rebus creatis, quod optimum reperitur, efl Mutua vnitas; iam
 autem quod optimum efl, debet proficifci ab vno optimo Primo Principio:
partim quia omnis multitudo & pluralitas debet reduci ad vnum: *partim*
 quia virtus vnita fortior efl, quàm difperfa.

III. QUIDDITAS DEI metaphyficè confiderata, non conftituitur
 collectione omnium attributorum & perfectionum: 2. nec ratione Entis à fe:
 3. nec Exiftentiã: 4. nec intelligence per modum actus fecundi: 5. fed prout
 Quidditas Dei nomine *Eflentia* fignificatur, fic conftituitur per immaterialita-
 tem completam, feu per rationem fubftantiæ per fe purè fpiritalis: 6. prout
 verò nomine *Natura Diuina* explicatur, fic conftituitur per radicem intelli-
 gionis comprehenfivæ Dei: 7. non tamen ratio Eflentiæ & Naturæ virtualiter
 diftinguitur in Deo. *Ratio primi* Quia Conftitutiuum Metaphyficum Quid-
 dicitatis Diuinæ, efl ille conceptus, in quo, noftro modo intelligendi habetur
 prima radix omnium Diuinorum attributorum; fic in creatis, id dicimus
 Eflentiam, quod radicat omnes perfectiones creatas, quæ in aliquo ente cre-
 ato reperiuntur; iam autem Conflatum ex omni perfectione Diuina, quia
 formaliter conflat ex perfectione *radicante*, & ex perfectionibus *radicatis*, ob
 virtualem inter illas ordinem ac diftinctionem: (vt patet inter intellectum &
 voluntatem, & inter ipfa Abfoluta & Relatiua) hinc efl quod tale Conflatum,
 noftro modo intelligendi, habet fe ad omnes perfectiones, fic ut fe habet To-
 tum ad partes, ex quibus cõalefcit: proindeque fic ut Totum non intelligitur
 radicare fuas partes, ita nec Conflatum intelligitur effe prima radix Diuina-
 rum perfectionum. *Ratio 2di*. Quia Conftitutiuum Differentiale Dei, debet
 effe id, ad quod omnia quæ fequuntur comparantur vt proprietates; iam au-
 tem ad *Effe à fe* ifta prædicata *Effe immateriale: Viuens: intelligens*: noftro modo
 intelligendi non comparantur tanquam proprietates: *partim*, quia in ipfis
 creaturis (ex quibus argumentamur ad Deum) fpectant ad Eflentiam: *partim*
 quia in linea fubftantiæ nec funt prædicata fuperiora ad *Effe à fe*: nec ad gradum
 Entis habent fe confecutiuè. *Ratio 3tj*. Quia Exiftentia virtualiter diftingui-
 tur in

4

tur in Deo ab Essentia *partim*, quia Conceptus Obiectiuus Essentiæ explicati-
uè est extra conceptum Existentiæ: *partim*, quia in linea *Essendi*, Essentia di-
cit actum primum, & Existentia actum secundum: sicut ratio veri principij
dicit actum primum, & ipsa operatio actum secundum in lineam *operandi*: quæ
lineæ in creatis *realiter*, translatae in Deum *virtualiter* solum distingui debent.
Ratio 4ti. Quia Intellectio per modum actûs secundi, est intellectio per modum
operationis: & de ratione operationis est, quod supponat in re rationem,
principij à quo oriatur; iam autem Essentia & Natura Diuina, neque re, neq;
ratione præsupponit aliquod principium, cum ipsa sit prima radix attributo-
rum & operationum, proindeque intellectio per modum actûs secundi, ne-
quit esse constitutiuæ Naturæ Diuinæ. *Tum quia* Intellectio per modum actûs
secundi, constituit Naturam Diuinam, *aut*, sub conceptu vltimæ actualitatis:
aut sub conceptu actionis, & prout intelligitur vt egrediens; *tunc inquiri*: A quo
Intellectio vt actio intelligitur egredi? an ab ipsa vltima actualitate per quã
actio constituitur in esse actionis, & distinguitur ab actualitate principij ope-
ratiui quæ est actus primus de linea operatiua? an verò ab alia actualitate per
quam natura præsupponitur ad actionem constituta? si dicatur primum: di-
cetur falsum, nam cum impossibile sit intelligere actionem egredi à principio,
quin intelligatur ipsam vltimam actualitatem actionis egredi à principio, af-
firmandum erit, quod ipsa vltima actualitas actionis egrediatur à seipsa; quod
nullus valebit intelligere. Si dicatur secundum; dicetur verum, attamen non
poterit defendi quòd intellectio sub ratione vltimæ actualitatis constituat Na-
turam Diuinam. *Ratio 5ti.* Quia ratio substantiæ per se summè immaterialis,
est prima radix omnium Diuinorum Attributorum: & prout sic non expli-
catur cum ordine ad operationem, sed tantum comparatur vt actus primus de
linea essendi cum actu vltimo, qui est Existentia; consequenter Natura Diui-
na sub consideratione Essentiæ, per summam constituitur immaterialitatem:
prout summa Immaterialitas dicitur *non aliquid commune*, ex vi terminorum, om-
nibus perfectionibus Diuinis: sed prout est *Differentia Contractiuæ* Substantiæ
per se: *Partim* quia sic Immaterialitas summa, est quid particulare, soli vir-
tualitati Essentiæ Dei conueniens, nam sola Essentia Diuina per se & *formaliter*
Substantia est, aliæ autem perfectiones Diuinæ sunt Substantia *Materialiter*:
cum in creaturis sint accidens, quidquid ad naturam consequitur: *Partim*,
quia cum nulla creatura summè immaterialis sit, aut esse possit, etiam suffici-
enter per summam immaterialitatem assignatur distinctiuum Dei ab omni
creatura sine additione particularum à se: *Partim* quia ratio substantiæ per se
in Deo, conuenit speciei Impressæ, solum materialiter: nam Substantia est de
linea Entis, quæ diuiditur in Substantiam & Accidens: & species Impressa est
de linea tantum generis intelligibilis. Licet si Species Impressa in Deo, non
dicatur attributum, quòd sit distincta virtualitas ab Essentia Dei, sed tantum
dicitur attributum, quia non est primus conceptus, qui habetur de virtuali-
tate Essentiæ, proindeque possunt ei conuenire omnia, quæ conueniunt Es-
sentiæ differentialiter sumptæ. *Ratio 6ti.* Quia Natura Diuina optimè explica-
tur per radicem primi attributi; iam autem primum Dei attributum est *Intel-*
lectus, à quo proximè oritur intellectio, quã Deus seipsum comprehendit. Er-
go Essentia vt Natura solum dicit principium operationis, & per consequens
principium radicale tantum attributorum; iam autem Essentia respectu eo-
rum quæ tantum spectant ad lineam essendi (qualia sunt Æternitas, Immuta-
bilitas, Infinitas, & alia huiusmodi, prout hæc linea essendi contradistinguitur
ad lineam operandi.) non habet propriam rationem Naturæ: quia enume-
rata attributa consequuntur ad substantiam per se summè immaterialè, prout
hæc explicat habitudinem ad Existentiam, non verò prout explicat radicem
operationis. *Tum quia* ex iam dictis constat, ad Naturæ Diuinæ Constitutum
Metaphy-

Metaphysicum pertinere ista prædicata, *nimirum* Quòd sit omnino primum, cuius principium nec etiam per rationem assignetur; *Seu* quòd dicat negationem essendi ab alio, tanquam à vera radice, & cum vera radicatione formali aut virtuali; hinc sequitur *2dum Prædicatum*. Quòd sit radix omnium attributorum, siue ad lineam essendi, siue ad lineam operandi pertinentium; licet sub alia & alia formalitate, inadæquata tamen; hinc *3tum*. Quòd non componatur ex duplici conceptu adæquato, quorum vnus supponat alterum se priorem cum vera radicatione. *4tum*. Quòd sit subsistens in plenitudine essendi; non proprietate Transcendentis, sed proprietate Constitutiui reduplicatiuè talis; hinc *5tum*. Quòd sit infinitum simpliciter, & omnis perfectio, essentialiter, radicaliter, exactiue, implicite, non verò formaliter. *Seu* sic omnia formaliter realiter, non verò formaliter virtualiter; hinc *6tum*. Quòd habeat ordinem virtualement ad omnes Diuinas perfectiones. hinc *7num*. Quòd importet rationem actûs puri, non explicatiuè sed essentialiter. *8num*. Quòd sit Vltima ratio differentialis; hinc *9num*. Quòd dicat *Quid est*, & Medium probatiuum, à priori, & non *Quia est*; hinc *10num*. Quòd sit perfectissimus conceptus, non in toto genere Entis, sed solius Essentiæ & Naturæ; hinc *11m*. Quòd non sit commune sed particulare: *Vel* sit commune aut materialiter, non verò formaliter, hinc *12num*. Quòd non concipiatur vt *Potentiale Logicum*, quia implicite omnia debet includere; nec vt *Potentiale Physicum*, quia debet esse actus purissimus omnino; nec vt *Potentiale Metaphysicum*, quia realiter est sua Existentiâ; bene tamen vt *Potentiale Dialecticum*, & penes modum significandi, in quantum omnia solùm radicaliter implicat, quæ in proprijs lineis habentur explicatiuè. Et ista duodecim prædicata collectiue sumpta soli conueniunt Intelligere, sub ratione actûs primi considerato: prout speculanti altius, Veritas hæc euidentiùs elucescit. *Ratio 7mi*. Quia quæ in creaturis virtualiter adhuc non distinguuntur, nec in Deo possunt virtualiter distingui; iam autem Conceptus Essentiæ & Naturæ in creatis non distinguuntur virtualiter, na. v.g. Rationalitas eademmet, dicit & conceptum Essentiæ penes ordinem ad Existentiâ, & conceptum Naturæ penes habitudinem radice actionis rationalis. Hinc Animæ rationali priùs conuenit esse principium *Quo Essendi*, quàm esse principium *Quo Radicandi* operationem, non prioritate rei, sed prioritate solius considerationis & conceptûs inadæquati ad inadæquatum, non verò virtualitatis completæ ad completam: quod etiam patet exemplo Relationis, cuius conceptus *In* priùs intelligitur conceptu *Ad* & tamen non sunt duæ virtualitates, sed cum conceptibus inadæquatis obiectiuis, vna omnino virtualitas; Ergo pariter Conceptus Essentiæ & Naturæ sunt eiusdem identitatis, subiectiue, id est in eodem existunt, licet ex duplici respectu ad terminos sit inter eos distinctio inadæquata; proindeque non sint eiusdem Identitatis Terminatiue tantum: sic Paternitas quæ Pater ad plures Filios refertur, est multiplex *Terminatiue* ex parte filiorum, & tamen *Subiectiue*, Ex parte Patris est vna, nullusque dicit Relationem illam prout respicit Terminum, virtualiter distingui à se ipsa, prout respicit subiectum. Idem patet in quatuor Relationibus Diuinis, quarum tres constitutiue Personarum distinguuntur ad inuicem realiter: & tamen Paternitas ac Filiatio non distinguuntur realiter à Spiratione Actiua *Subiectiue*, Vnde sola quæ non sunt eiusdem Identitatis, non sunt eiusdem virtualitatis, subiectiue & Terminatiue; sed eius Terminatiue tantum. Iam autem conceptus præfatum transferuntur in actum purissimum, excludunt distinctionem in Deo simplicissimo Cui Æternus sit Honor.

IN CHRISTO IESU
 Amen.

